

尚書

卷十九

漢書門				
四	三	三	二	類
九	三	九	二	
一	五	六	九	
冊	架	函	號	

內閣文庫			
二	四	漢	
七	九	書	
六	三		
函	一		
一	五		
架	六		
	二		
	號		
	類		

內閣文庫		
番號	漢	4932
冊數	156	(11)
函號	276	24



尚書註疏卷第九

千如堂藏

漢孔氏傳

唐孔穎達疏

文庫

盤庚上第九


商書

盤庚五遷將治亳殷傳自湯至盤庚凡五遷都盤庚治

亳殷傳亳本又作般步傳民咨胥怨傳胥相也民不欲

徙乃咨嗟憂愁相與怨上傳胥徐思餘傳作盤庚三篇

傳盤庚至三篇。正義曰商自成湯以來屢遷都邑仲丁河亶甲祖乙皆有言詰歷載於篇盤庚最在



其後故序摠之自湯至盤庚凡五遷都今盤庚將欲
遷居而治於亳之殷治民皆戀其故居不欲移徙咨
嗟憂愁相與怨上盤庚以言辭詰之史敘其事作盤
庚篇○自湯至亳殷○正義曰經言不常厥邑
于今五邦故序言盤庚五遷傳嫌一身五遷故辨之
云自湯至盤庚凡五遷都也上文言自契至于成湯
八遷并數湯為入此言盤庚五遷又并數湯為五湯
一人再數故班固云殷人屢遷前入後五其實止十
二也此序云盤庚將治亳殷下傳云殷亳之別名則
曰殷即是一都湯遷還從先王居也汲冢古文云盤
庚自奄遷于殷殷在鄴南三十里東晉云尚書序盤
庚五遷將治亳殷舊說以為居亳亳殷在河南孔子
壁中尚書云將始宅殷是與古文不同也漢書項羽
傳云泗水南殷墟上今安陽西有殷東晉以其本此將
北與亳異也然孔子壁內之書安國先得其本此將
治亳殷不可作將始宅殷亳字摩滅容或為宅壁內
之書安國先得始皆作亂其字與治不類無緣誤作
始字知東晉不見壁內之書安為說耳若洹水南有

殷墟或當餘王居之非盤庚也盤庚治於亳殷紂滅
在於朝歌則盤庚以後遷於河北蓋盤庚後王有從
河自亳地遷於洹水之南後又遷于朝歌○胥相
至怨上○正義曰釋詁云胥皆也相亦是皆義故通
訓胥為相也民不欲徙乃咨嗟憂愁相與怨上經云
民不適有居是怨上之事也仲丁祖乙亦是遷都序
無民怨之言此獨有怨者盤庚祖乙之曾孫也祖乙
遷都於此至今多歷年世民居已久戀舊情深前王
三徙諾令則行曉喻之易故無此言此則民怨之深
故序獨有此事彼各一篇而此獨三篇者謂民怨上
故勸誘之難也民不欲遷而盤庚必遷者鄭玄云祖
乙居取後奢侈踰禮土地迫近山川嘗祀焉至陽甲
立盤庚為之臣乃謀徙居湯舊都大序注云民居耿
久奢淫成俗故不樂徙王肅云自祖乙五世至盤庚
元兇陽甲宮室奢侈下民邑居墊隘水泉瀉鹵不可
以行政化故徙都於殷皇甫謐云耿在河北迫近山
川自祖辛已來民皆奢侈故盤庚遷於殷此三者之
說皆言奢侈鄭玄既言君奢又言民奢王肅專謂君

奢皇甫謐專謂民奢言君奢者以天子宮室奢侈侵奪下民言民奢者以家民室宇過度逼迫貧乏皆為細民弱劣無所容居欲遷都改制以寬之富民戀舊故違上意不欲遷也案檢孔傳無奢侈之語惟下篇云今我民用蕩析離居無安定之極徙以為之極孔意蓋以地勢蕩析離居無安定之極徙以為之極孔意蓋以地勢必為奢侈也此以君名各篇必是為君時事而鄭玄以為上篇是盤庚為臣時事何得專輒謬妄也

盤庚

傳

盤庚殷王名殷質以名篇

○盤庚殷王名馬云用乙曾孫

祖丁之子不言盤庚誥何非但錄其誥也取其徙而立功故以盤庚名篇○正義曰此三篇皆以民不樂遷開解民意告以不遷之害遷都之善也中上二篇未遷時事下篇既遷後事上篇人皆怨上初啓民心故其辭尤切中篇民已少悟故其辭稍緩下篇民既從遷故辭

復益緩哀十一年左傳引此篇云盤庚之誥則此篇皆誥辭也題篇不曰盤庚誥者王肅云取其徙而立功故但以盤庚名篇然仲丁祖乙河亶甲等皆以王名篇則是史意與耳未必見他義○殷質以名篇○正義曰周書謚法成王時作故桓六年左傳云周人以諱事神殷時質未諱君名故以王名各篇也上仲丁祖乙亦是王名於此始作傳者以上篇經亡此經稱盤庚故就此解之史記殷本紀云盤庚崩弟小辛立殷復衰百姓思盤庚乃作盤庚三篇與此序違非也鄭玄云盤庚湯十世孫祖乙之曾孫以五遷繼湯篇次祖乙故繼之于上累之祖乙為湯玄孫七世也又加祖乙復其祖父通盤庚故十世本紀云祖乙崩子祖辛立崩子開甲立崩弟祖丁立崩開甲之子南庚立崩祖丁子陽甲立崩弟盤庚立是祖乙生祖辛祖辛生祖丁祖丁生盤庚故為曾孫

盤庚遷于殷傳亮之別名民不適有居傳適之也不欲

之殷有邑居率籲眾感出矢言傳籲和也率眾憂

之人出正直之言傳籲音喻曰我王來既爰宅于茲

傳我王祖乙居耿爰於也言祖乙已居於此重我民

無盡劉傳劉殺也所以遷此重我民無欲盡殺故盡

反傳不能胥匡以生卜稽曰其如台傳言民不能相

匡以生則當卜考於龜以徙曰其如我所行傳稽工

怡音先王有服恪謹天命茲猶不常寧傳先王有所服

行敬謹天命如此尚不常安有可遷軌遷傳恪音各反不

常厥邑于今五邦傳湯遷亳仲丁遷囂河亶甲居相

祖乙居取我往居亳凡五徙國都傳馬云五邦謂商丘亳囂相耿也

今不承于古罔知天之斷命傳今不承古而徙是無

知大將斷絕汝命傳斷又音短矧曰其克從先王之烈傳

天將絕命尚無知之況能從先王之業乎傳從才若

顛木之有由藥傳言今往遷都更求昌盛如顛木之

木有用生藥哉傳藥五達反本又作枿馬云顛木而轉生曰枿什音赴又步北反天

其永我命于茲新邑傳言天其長我命於此新邑不

可不從紹復先王之大業底綏四方傳言我徙欲如

此○底之○盤庚至四方○正義曰盤庚欲遷於亳
 莫不憂愁相與怨上盤庚率領和諧其眾憂之人出
 正直之言以曉告曰我先王初居此者從舊都來於
 是宅於此地所以遷於此者為重我民無欲盡殺故
 先王以久居墊隘不遷則死見下民不能相匡正以
 生故謀而來徙以徙為善未敢專決又考卜於龜以
 徙既獲吉兆乃曰其如我所行欲徙之吉先王成湯
 以來凡有所服行敬順天命如此尚不常安可徙則
 徙不常其邑於今五邦矣今若不承於古徙以避害
 則是無知天將斷絕汝命矣天將絕命尚不能知况
 曰其能從先王之基業乎今我往遷都更求昌盛若
 顛仆之木有用生藥哉人衰更求盛猶木死生藥哉
 我今遷向新都上天其必長我殷之土命於此新邑
 繼復先王之大業致行其道以安四方之人我徙欲
 如此耳汝等何以不願徙乎爾云若不徙以避害則
 天將絕汝命謂絕在民之命亦絕我殷王之命復
 云若遷往新都天其長我殷之命明亦長臣民之

命互文也○亳之別名○正義曰此序先亳後殷
 亳是大名殷是亳內之別名鄭玄云商家自徙此而
 號曰殷鄭以此前未有殷名也中篇云殷降大虐將
 遷於殷先正其號名知於此號為殷也雖兼號為殷
 而商名不改或稱殷又有兼稱殷商商頌云商邑翼
 翼擬彼殷武是單稱之也又大雅云殷商之旅谷汝
 殷商是兼稱之也亳是殷地大名故殷社謂之亳社
 其亳鄭玄以為偃師皇甫謐以為梁國穀熟縣或云
 濟陰亳縣說既不同未知誰是○適之至邑居○
 正義曰釋詁云適之往也俱訓為往故適得為之不
 欲往彼殷地別有新邑居也○顯和至之言○正
 義曰顯即裕也是寬意故為和也憂則不和感訓憂
 也故率眾憂之人出正直之言詩云其直如矢言
 為正直之言○我王至於此○正義曰孔以祖乙
 比於相地遷都於耿今盤庚自耿遷于殷以我王為
 祖乙此謂耿也○劉毅至殺故○正義曰劉毅釋
 詁文水泉鹹鹵不可行化王化不行殺民之道先王
 所以去彼遷此者重我民無欲盡殺故也○言民

正義曰不徙所以不能相臣以生者謂水泉泥濁人民困苦不能以義相匡正以生又考卜於

至所行。正義曰不徙所以不能相臣以生者謂水泉泥濁人民困苦不能以義相匡正以生又考卜於通以徙周禮太卜大遷則貞龜是遷必卜也。○先王至輒遷。正義曰下云于今五邦自湯以來數之則此言先王摠謂成湯至祖乙也先王有所服行也盤庚言行有典法言能敬順天命即是有所服行也盤庚言先王敬順天命如此尚不常安有可遷輒遷況我不能敬順天命不遷民必死矣故不可不遷也。○湯遷至國都。正義曰孔以盤庚意在必遷故通數我往居毫為五邦鄭王皆云湯自商徙毫數商毫當相耿為五計湯既遷毫始建王業此言先王遷都不得遠數居毫之前充此數也。○言今至巢哉。正義曰釋詁云枿餘也李巡曰枿稿木之餘也郭璞云晉衛之問曰枿是言木死顛什其根更生藥哉此都毀壞若枯死之木若棄去毀壞之邑更生藥哉。盤庚敦于民由得昌盛猶顛什枯死之木用生藥哉。盤庚敦于民由乃在位以常舊服正法度。敦教也教人使用汝在

位之命用常故事正其法度。○敦戶敦反下曰無或如字虞如字

敢伏小人之攸箴。言無有敢伏絕小人之所以欲箴

規上者戒朝臣。箴之林反馬云。○盤庚至攸箴。言遷意今復並戒臣民盤庚先教於民云汝等當用汝在位之命用舊常故事正其法度欲命民徙從其

臣言也民從上命即是常事法度也又戒臣曰汝等無有敢伏絕小人之所以欲箴規上者。○敦教至朝

臣。正義曰文王世子云小樂正敦于大胥贊之籥師敦戈籥師丞贊之彼並是教舞干戈知敦為教也

小民等患水泉沉溺欲箴規上而徙汝臣下勿抑塞伏絕之鄭玄云奢侈之俗小民咸苦之欲言於王今

將屬民而詢焉。王命眾悉至于庭。眾羣臣以下

故勅以無伏之。○眾羣臣以下。正義曰周禮小司寇掌外朝之政以致萬民而詢焉。一曰詢國危二曰詢國遷三曰詢

奇書流 卷之九 六 及古習

立君是國將大遷必詢及於萬民故知眾悉至王庭是羣臣以下謂及下民也民不欲徙由臣不助王勸是貴臣之辭

王若曰格汝眾予告汝訓傳告汝以法

教汝猷黜乃心無傲從康傳謀退汝違上之心無傲

慢從心所安傳○傲五傳古我先王亦惟圖任舊人共政

傳先王謀任久老成人共治其政傳○任而傳先王

傳曰此篇所言先王其文無指斥者皆謂成湯以來諸

賢王也下言神后高后者指謂湯耳下篇言古我先

王適于山者乃謂遷都之王仲丁祖乙之等也此言

先王謂先世賢王此既言先王下句王播告之玉用

不欽蒙上之先王播告之修不匿厥指傳王布告人

以所脩之政不匿其指傳○播波餓反傳王布至其

臣耳傳言布告人者以下云民用丕變是必告臣亦

又告王用丕欽罔有逸言民用丕變傳王用大敬其

政教無有逸豫之言民用大變從化今汝聒聒起信

險膚予弗知乃所訟傳聒聒無知之貌起信險偽膚

受之言我不知汝所訟言何謂傳○聒古活反馬及說

意傳之聒聒聒難告之貌王肅曰鄭玄云聒聒拒善自用之

意也此傳以聒聒為無知之貌以聒聒是多言亂人

之意也起信險膚者言發起所行專信此險偽膚受

淺近之言信此浮言妄有爭訟我非予自荒茲德惟

汝舍德不惕予一人予若觀火傳我之欲徙非廢此

德汝不從我命所含惡德但不畏懼我耳我視汝情
 如視火惕他 **疏**非予至觀火。正義曰言先王敬
 從非我自廢此不欽之德惟汝之所舍德甚惡不畏
 懼我一人故耳汝舍藏此意謂我不知我見汝情若
 觀火言見之分 **傳**予亦拙謀作乃逸 **傳**逸過也我不威
 脅汝從是我拙謀成汝過 **疏**拙之 **傳**逸過至汝過
 釋言文我若以威加汝汝自不敢不遷則無違上之
 過也我不威脅汝從乃是我亦拙謀作成汝過也悞
 民以恩導之 **若網在綱有條而不紊若農服田力穡**
 而不從已也 **乃亦有秋** **傳**紊亂也穡耕稼也下之順上當如網在
 綱各有條理而不亂也農勤穡則有秋下承上則有

福 **傳**紊音問 **疏**紊亂至有福。正義曰紊是絲亂
 徐音文 **疏**為亂也稼穡相對則種之曰稼斂
 之曰穡穡是秋收之名得為耕獲總稱 **汝克黜乃心**
 故云穡耕稼下承上則有福福謂祿賞 **施實德于民至于婚友不乃敢大言汝有積德** **傳**汝
 羣臣能退汝違上之心施實德於民至于婚姻僚友
 則我大乃敢言汝有積德之臣乃不畏戎毒于遠邇
惰農自安不昏作勞不服田畝越其罔有黍稷 **傳**戎
 大昏強越於也言不欲從則是不畏大毒於遠近如
 怠惰之農苟自安逸不強作勞於田畝則黍稷無所
 有 **傳**昏馬同本或作昏音敏爾雅昏昏皆訓強 **傳**戎
 故兩存越本又作粵音曰于也強其兩反 **傳**戎

大至所有。正義曰：戎大昏強越於皆釋，詁文孫炎曰：昏風夜之強也。書曰：不昏作勞，引此解彼，是亦讀此為昏也。鄭玄讀昏為昏，訓為勉也。與孔不同。傳云：言不欲從，則是不畏大毒於遠近，其意言不從則有毒，毒為禍患也。遠近謂賒促，言害至有早晚也。不強於作勞，則黍稷無所獲，以喻不遷於新邑，則福祿無所有也。此經情農弗昏，無黍稷對上服田力穡，乃亦有秋，但其文有詳略耳。

汝不和言言
于百姓惟汝自生毒。
傳責公卿不能和喻百官，是自生毒害。
疏責公至毒害。正義曰：此篇上下皆言既，是百官和言者，又在百官之上，知此經是責公卿不能和喻善言於百官，使之樂遷也。不和百官必將遇禍，是公卿自生毒害。乃敗禍茲究，以自災于厥身。
傳言汝不相率共徙，是為敗禍茲究，以自災之道。
音軌乃既先

惡于民乃奉其恫，汝悔身何及。
傳羣臣不欲徙，是先惡於民，恫痛也不徙，則禍毒在汝身，徒奉持所痛而悔之，則於身無所及。
疏奉，孚勇反，注同恫。羣臣，○正義曰：羣臣是民之師長，當倡民為善，羣臣亦不欲徙，是乃先惡於民也。恫，痛釋言文。相時，儉民猶胥顧于箴言，其發有逸口，矧予制乃短長之命。
傳言儉利小民，尚相顧於箴，誨恐其發動有過口之患，況我制汝死生之命，而汝不相教從，我是不若小民。
疏相時，上息亮反，馬云：視也。徐息，羊反，儉，息廉反，馬云：儉利小也。見事之人也。徐七，漸反。汝曷弗告朕，而胥動以浮言，恐沈于衆。
傳曷，何也。曠，其不

尚書疏
卷之九
及五

以情告上而相恐動以浮言不徙恐汝沈溺於衆有禍害○易何未反若火之燎于原不可嚮邇其猶可撲滅

傳火炎不可嚮近尚可撲滅浮言不可信用尚可刷戮絕之○燎力召反又力鳥反又力紹反則惟汝衆

自作弗靖非予有咎傳我刑戮汝非我咎也靖謀也

是汝自爲非謀所致傳相時至有咎○正義曰又責大臣不相戮遷徙是不知小

民我視彼儉利小民猶尚相顧於巖規之言恐其發舉有過口之患故以言相規患之小者尚知畏避况我爲天子制汝短長之命威恩甚大汝不懼教從我乃是汝不如小民汝若不欲徙何以不情告我而輒相恐動以浮華之言乃詔民云國不可徙我恐汝自取沈溺於衆人而身被刑戮之禍害此浮言流行若

似火之燎於原野炎熾不可嚮近其猶可撲之使滅以喻浮言不可止息尙可刑戮使絕也若以刑戮加

汝則是汝衆自爲非謀所致此耳非我有咎過也傳易何至禍害○正義曰易何同音故易爲何也傾

氏云汝以浮言恐動不徙更是無益我恐汝自取沈溺於衆人不免禍害也傳我刑至所致○正義曰

我刑戮汝汝自招之非我咎也靖謀釋詁文告民不徙者非善謀也由此而被刑戮是汝自爲非謀所致也

遲任有言曰人惟求舊器非求舊惟新傳遲任古

賢言人貴舊器貴新汝不徙是不貴舊○遲直疑反徐持夷反任

而今反馬云古老成傳古我先王暨乃祖乃父胥及逸勤子敢

動用非罰傳言古之君臣相與同勞逸子孫所宜法

之我豈敢動用非常之罰脅汝乎世選爾勞予不掩

爾善

選數也言我世世數汝功勤不掩蔽汝善是

我忠於汝

選息轉反又蘇管反掩本文作彘數色主反

茲予大享于先王

爾祖其從與享之

古者天子錄功臣配食於廟大

享烝嘗也所以不掩汝善

與音預烝之丞反

作福作災予亦

不敢動用非德

善自作福惡自作災我不敢動用

非罰加汝非德賞汝乎從汝善惡而報之

遲任至非德

正義曰可遷即遷是先王舊法古之賢人進任有言曰人惟求舊器非求舊惟新言人貴舊器貴新汝不欲徙是不貴舊反遲任也古者我之先王及汝祖汝父相與同逸豫同勤勞汝為人子孫宜法汝父祖與我同其勞逸我豈敢動用非常之罰魯汝乎自先王以至於我世世數汝功勞我不掩蔽汝善

忠於汝也以此故我大享祭于先王汝祖其從我先

王與在宗廟而歆享之是我不敢掩汝善也汝有善自

作福汝有惡自作災我亦不敢動用非德之賞安賞

汝各從汝善惡而報之耳其意告臣言從上必有賞

違我必有罰也遲至貴舊正義曰其人既及

其言立於後世知是古賢人也鄭玄云古之賢史王

肅云古老成人皆謂賢也選數至於汝正義

曰釋詁云算數也舍人曰釋數之曰算選即算也故

訓為數經言世世數汝功勞是從先王至已常行此

事故云是我忠於汝也言已之忠責臣之不忠也

古者至汝善正義曰周禮大宗伯祭祀之名天

神曰祀地祇曰祭人鬼曰享此大享於先王謂天子

祭宗廟也傳解天子祭廟得有臣祖與享之意言古

者天子錄功臣配食於廟故臣之先祖得與享之也

古者孔氏據已而道前世也此殷時已然矣大享烝

人之言云可徒不用其言是侮老之也不徒則水各泉鹹鹵孤幼受害不念其害則是卑弱輕易之也

長于厥居勉出乃力聽予一人之作猷傳盤庚勅臣

下各思長於其居勉盡心出力聽從遷徙之謀竹文長

反傳盤庚至之謀。正義曰於時羣臣難毀其居

為此心盤庚勅臣下各思長久於其居處勉強無有

盡心出力聽從我遷徙之謀自此已下皆是也

遠邇用罪伐厥死用德彰厥善傳言遠近待之如一

罪以懲之使勿犯伐去其死道德以明之使勸慕競

為善呂反無有至厥善。正義曰此即遷徙之

之與近必當待之如一用刑殺之罪伐去其死道用

照察之德彰明其行善有過罪以懲之使民不犯非

法死刑不用是伐去其死道伐若伐樹然言止而不

復行用也有善者人主以照察之德加賞祿以明之

使競慕為善是彰其善也此二句相對上言用罪伐

厥死下宜言用賞彰厥生不然者上言用刑下言賞

善死是刑之重者舉重故言死有善乃可賞故言彰

厥善行賞是德故以德言賞人生是常無善亦生不

得言彰厥生故文互邦之滅惟汝眾有善則眾臣之功徐子

反邦之不滅惟予一人有佚罰佚失也是已失政

之罰罪已之義音逸凡爾眾其惟致告傳致我誠告

汝眾自今至于後日各恭爾事齊乃位度乃口傳奉

其職事正齊其位以法度居汝口勿浮言度徐如

傳度乃口。正義曰度法度也罰及爾身弗可悔

傳故傳言以法度居汝口也

十三

及古罰

不從我謀罰及汝身雖悔可及乎

盤庚中第十

商書

盤庚作惟涉河以民遷傳為此南渡河之法用民徙乃

話民之弗率誕告用亶其有衆傳話善言民不循教

發善言大告用誠於衆傳話胡快反馬云告也言也

單音同誠也咸造勿褻在王庭傳造至也衆皆至王庭無

褻慢傳造士報反注同馬在盤庚乃登進厥民傳升

進命使前傳盤庚至厥民傳正義曰盤庚於時見都

河北欲遷向河南作惟南渡河之法欲

用民徙乃出善言以告曉民之不循教者大為教告

之人盡在於王庭盤庚乃升進其民延之使前而衆

告之史敘其事以為盤庚發誥之日傳為此至民

徙傳正義曰鄭玄云作渡河之法皆謂造舟船渡河之

具是濟水先後之次思其事而為之法也傳話善

至於衆傳正義曰釋詁云話言也孫炎曰話善人之

言也王若民不從教必發善言告之故曰明聽朕言

無荒失朕命傳荒廢嗚呼古我前后罔不惟民之承

言我先世賢君無不承安民而恤之保后胥感鮮

以不浮于天時傳民亦安君之政相與憂行君令浮

行也少以不行於天時者言皆行天時傳鮮息

亦至天時。正義曰：以君承安民而憂之，故民亦安。君之政相與憂，行君令使君令必行，責時羣臣不憂也。行君令也，舟船浮水而行，故以浮為行。殷降大虐，先也。行天時也，順時布政，若月令之為也。

三不懷 我殷家於天降大災，則先王不思故居而

行徙。正義曰：遷都者止為邑居。墊隘水泉，鹹鹵非為避天災也。此傳以虐為

災，懷為思言。殷家於天降大災，則先王不思故居而

行徙者，以天時人事終是相將，邑居不可行，化必將

天降之災，上云不能相匡以生。厥攸作視民利用遷

罔知天之斷命，即是天降災也。厥攸作視民利用遷

其所為視民有利，則用徙汝局，弗念我古后之聞

傳 古后先王之聞謂遷事。反下同。承汝俾汝惟喜

康，共非汝有咎，比于罰。今我法先王，惟民之承，故

承汝使汝徙，惟與汝共喜安，非謂汝有惡，徙汝令比

近於殃罰。○俾必爾反，咎其九反，比毗志反，徐扶志

之。承汝至于罰。正義曰：先王為政，惟民之承，今

近我亦法先王，故承安汝使汝徙，惟與汝共喜安，樂皆

與汝共之，非謂汝有咎惡。予若顓懷茲新邑，亦惟汝

而徙汝令比近於殃罰也。予若顓懷茲新邑，亦惟汝

故以丕從厥志。言我順和懷此新邑，欲利汝眾，故

大從其志而徙之。顓羊。予若至厥志。○正義曰：盤庚言我順於道理和

協汝眾歸懷此新邑者，非直為我王家亦惟利。今予

將試以汝遷安定厥邦。試用汝不憂朕心之攸困

所困不順上命，乃咸大不宣，乃心欽念以忱，勳予

所困不順上命，乃咸大不宣，乃心欽念以忱，勳予

汝皆大不布腹心微念以誠感動我是汝不

一人傳爾惟自鞠自苦傳鞠窮也言汝為臣不

忠自取窮苦傳若乘舟汝弗濟臭厥載傳言不

徒之害如舟在水中流不渡臭敗其所載物傳臭徐

載如字又傳臭厥載傳正義曰臭是氣之別名古者

在代反傳香氣穢氣皆名為臭易云其臭如蘭謂

香氣為臭也下文覆述此意云無起穢以自臭則此臭

謂穢氣也肉敗則臭故以臭為傳爾忱不屬惟胥以沈

不其或稽自怒曷瘳傳汝忠誠不屬逮古苟不欲徙

相與沈溺不考之先王禍至自怒何瘳差乎傳屬音

濁注同

馬云獨也沈直傳爾忱至曷瘳傳正義曰盤庚責其

林反瘳勸留反傳臣民汝等不川徙者由汝忠誠不

能屬逮於古賢苟不欲徙惟相與沈溺於眾不欲徙

之言不其有考驗於先王遷徙之事汝既不考於古

及其禍至乃自怒傳汝不謀長以思乃災汝誕勸憂傳

怒何所瘳差也傳汝不謀長以思乃災汝誕勸憂傳

汝不謀長久之計思汝不徙之災苟不欲徙是大勸

憂之道傳汝誕勸憂傳正義曰凡人以善自勸則善

來眾是自勸勵傳今其有今罔後汝何生在上傳言不

以憂愁之道傳今其有今罔後汝何生在上傳言不

徙無後計汝何得久生在人上禍將及汝傳今其至

也傳今予命汝一無起穢以自臭傳我一心命汝汝違

利無後日久長之計患禍將至汝何得久生在民上

也傳今予命汝一無起穢以自臭傳我一心命汝汝違

也傳今予命汝一無起穢以自臭傳我一心命汝汝違

也傳今予命汝一無起穢以自臭傳我一心命汝汝違

也傳今予命汝一無起穢以自臭傳我一心命汝汝違

我是自臭敗廢反。穢於命。今予至自臭。○正義曰：今我
我無得起為穢惡，以自臭敗。恐人倚乃身，迂乃心。

言汝既不欲徙，又為他人所誤，倚曲迂僻。倚於綺

反迂音丁。恐人至乃心。○正義曰：言汝心既不欲

僻，匹亦反。徙，旁人或更誤汝，我又恐他人倚曲汝

身迂僻，汝心使汝益不用徙也。○言汝至迂僻，不

正義曰：人心不能自決，則好用非理之謀。言汝既不

欲遷徙，又為他人所誤，盤庚疑其被誤，故言此也。以

物倚物者必曲，故倚為曲也。迂是迴也，迴行必僻，故

迂為予，迂續乃命于天子，豈汝威用奉畜汝眾。

迎也。言我徙欲迎續汝命于天，豈以威脅汝乎？用奉

畜養汝眾。迂五駕反，畜許竹反。下曰：脅，虛業反。

文不遷，必將死矣。天欲遷以延命，天意向汝，我欲迎

之，天斷汝命，我欲續之。我今徙者，欲迎續汝命於天

豈以威脅汝乎？遷都惟予念我先神后之勞，爾先予

用奉養汝眾，臣民耳。予念我先神后之勞，爾先予

丕克羞爾，用懷爾然。言我亦法湯大能進勞汝以

義懷汝心，而汝違我是汝反先人。勞力報反。子

至爾然。○正義曰：我念我先世神后之君，成湯愛勞

汝之先人，故我大能進用汝與汝爵位，用以道義德

懷安汝心耳。然汝乃違我命，是汝反先人也。○言

我至先人。○正義曰：易稱神者妙萬物而為言也。殷

之先世神明之君，惟有湯耳，故知神后謂湯也。下高

后先后與此神后一也。神者言其通聖高，養言其德

尊此神后，言先於高后，略而不言先，其下直言先后

又略而不言高，從上省文也。勞爾先謂愛之也。勞者

勤也。閔其勤勞而慰勞之，勞亦愛之義。故論語云：愛

之臣其祖於成湯之世已在朝廷世失于政陳于茲

仕王朝而不用已命故責之深也

高后丕乃崇降罪疾曰曷虐朕民崇重也今既失

政而陳久於此而不徙湯必大重下罪疾於我曰何

為虐我民而不徙乎重而勇反又直恭反汝萬民乃不生生

暨予一人猷同心不進進謀同心徙先后丕降與

汝罪疾曰曷不暨朕幼孫有比言非但罪我亦將

罪汝幼孫盤庚自謂比同心故有爽德自上其罰汝

汝罔能迪湯有明德在天見汝情下罰汝汝無能

道言無辭失于至能迪正義曰盤庚以民不願遷言神后將罪汝欲懼之使從已也我

所以必須徙者我今失於政教陳久於此民將有害
高德之君成湯必忿我不徙大乃重下罪疾於我曰
何為殘虐我民而不徙乎我既欲徙而汝與萬民乃
不進進與我一人謀計同心則我先若成湯天下與
汝罪疾曰何故不與我幼孫盤庚有相親比同心徙
乎汝不與我同心故湯有明德從上見汝之情其下
罪罰於汝汝實有罪無所辭道言無辭以自解說也
崇重至徙乎正義曰崇重釋詁文又云塵久
也孫炎曰陳居之久久則生塵矣古者塵陳同也故
陳為久之義不進至心徙正義曰物之生長
則必漸進故以生生為進進王肅亦然進進是同心
願樂之意也此寔責羣臣而言汝萬民者民心亦然
因博及之湯有至無辭正義曰訓爽為明言
其見下故稱明德詩稱三后在天死者精神在天故
言下見汝古我先后既勞乃祖乃父勞之共治人汝共
作我畜民汝有戕則在乃心戕殘也汝共我治民



有殘人之心而不欲徙是反父祖之行○我在此良反

我先后緩乃祖乃父乃祖乃父乃斷棄汝不救

乃死○言我先王安汝父祖之忠今汝不忠汝父祖

必斷絕棄汝命不救汝死○斷丁

○古我至乃死

○正義曰又責羣

○臣古我先君成湯既愛勞汝祖汝父與之共治民矣

○汝今共為我養民之官是我於汝與先君同也而汝

○有殘虐民之心非我命汝如此則在汝心自為此惡

○是汝反祖父之行雖汝祖父亦不祐汝我先君安汝

○絕棄汝命不救汝死言汝違我命故汝祖父亦忿見

○湯罪汝不救汝死也

○勞之共治民也

○勞之共治民也

○勞之共治民也

○勞之共治民也

○勞之共治民也

○勞之共治民也

○勞之共治民也

○勞之共治民也

○勞之共治民也

○勞之共治民也

○勞之共治民也

○勞之共治民也

○勞之共治民也

○勞之共治民也

○勞之共治民也

而巳言其貪○治直吏反

乃祖乃父不乃告我高后

曰作不刑于朕孫○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

○言汝父祖見汝貪而不忠必大

尚書疏

至弗祥。正義曰：又責臣云：汝祖父非徒不救汝死，乃更請與汝罪於此。我有治政之臣，同位於其父祖，其位與父祖同心，與父祖異，不念忠誠，但念其汝貝玉而已，言其貪而不忠也。汝先祖先父以汝如此大，乃告我高后曰：為大刑於我子孫，以此言開道我高后，故我高后大乃下不善之殃，以罰汝成湯與汝祖。父皆欲罪汝，汝何以不從我從乎？亂治至其貪。○正義曰：亂治釋詰文，舍人曰：亂義之治也。孫炎曰：亂治之理也。大臣理國之政，此者所責之人，故言於此。我有治政之臣，言其同位於父祖，責其位同而心異也。貝者水蟲，古人取其甲以為貨，如今之用錢然。漢書：食貨志：具有其事，貝是行用之貨也。貝玉是物之最貴者，貴其貪財，故舉二物以言之。當時之臣不念盡忠於君，但念貝玉而已，言其貪也。言汝至之罪。正義曰：上句言成湯罪，此諸臣其祖父不救子孫之死，此句言臣之祖父請討非盤庚所知，原神之不從已，故責之益深。先祖請討非盤庚所知，原神之意而為之辭，以懼其子孫耳。言汝至督之。正

義曰：訓迪為道，言汝父祖開道，湯也不從君為不忠，違父祖為不孝。父祖開道，湯下罰欲使從君，順祖陳忠孝之義。嗚呼！今予告汝不易。凡所言皆不易之事。易以政，永敬大恤，無胥絕遠。長敬我言，八憂行之，無相與絕，遠棄廢之。遠于萬反，汝分猷念以相從，各設中于乃心。羣臣當分明相與謀，念和以相從，各設中正於汝心。分扶問反，乃有不吉不迪，不善不道，謂凶人顛越不恭，暫遇姦宄。顛隕越墜也不恭，不奉上命，暫遇人而劫奪之為姦於外，為宄於內。暫才淡反，我乃劓殄滅之，無遺育，無俾易。



種于茲新邑

剗割育長也言不吉之人當割絕滅

之無遺長其類無使易種於此新邑

剗魚器反徐吾氣反歿徒典

反易如字又以鼓反注同長竹丈反下遺長同

往哉生生今予將試以汝遷

永建乃家

自今以往進進於善我乃以汝徙長立

汝家卿大夫稱家

嗚呼至乃家。正義曰盤庚以言事將畢欲戒使入之故嗚呼

而嘆之今我告汝皆不易之事言其難也事既不易當長敬我言大憂行之無相絕遠棄廢之必須存心奉行汝羣臣當分輩相與計謀念和協以相從各設中正于汝心勿為殘害之事汝羣臣若有不善不道隕墜禮法不恭上命暫逢過人即為茲宄而劫奪之我乃割絕滅之無有遺餘生長所以然者欲無使易其種類於此新邑故耳自今以往哉汝當進進於善今我將用以汝遷長立汝使汝在位傳諸子孫勿得

違我言也。○不易之事。○正義曰此易讀為難易

之易不易言其難也王肅云告汝以命之不易為難

鄭玄云我所以告汝者不變易言必行之謂盤庚自

道已言必不改易與孔異。○顛隕至於內。○正義

曰釋詁云隕落隕墜顛越也是從上剖下之言故以

顛為隕越遺落為墜也左傳僖九年齊桓公云恐

隕越於下文十八年史克云弗敢失墜隕越遺落

廢失之意故以隕墜不恭為不奉上命也暫過人而

劫奪之謂逢人即劫為之無已成十七年左傳曰亂

在外為茲在內為宄是劫奪之事故以劫奪解其茲

宄也。○剗割至新邑。○正義曰五刑截鼻為剗故

剗為割也育長釋詁文不吉之人當割絕滅之無遺

長其類謂早殺其人不使得子孫有此惡類也易種

者即今俗語云相染易也惡種在善人之中則善人

亦變易為惡故絕其類無使易種於此新邑也滅去

惡種乃是常法而言于此新邑言已若至新都當整

朝大夫天子亦命之
氏故云立汝家也

盤庚下第十一

商書

盤庚既遷奠厥攸居乃正厥位傳定其所居正郊廟朝

社之位奠田薦反綏爰有眾曰無戲怠懋建大命

傳安於有眾戒無戲怠勉立大教今予其敷心腹腎

腸歷告爾百姓于朕志傳布心腹言輸誠於百官以

告志腎時忍反罔罪爾眾爾無共怒協比讒言予

一人傳羣臣前有此過故禁其後今我不罪汝汝勿

共怒我合比凶人而妄言比毗志反傳盤庚至一

曰盤庚既遷至殷地定其國都處所乃正其郊廟朝

社之位又屬民而聚之安慰於其所有之眾曰汝等

自今以後無得遊戲怠惰勉力立行教命今我其布

心腹腎腸輸寫誠信歷徧告汝百姓於我心志者欲

遷之日民臣共怒盤庚盤庚恐其怖懼故開解之今

我無復罪汝眾人我既不罪汝汝無得如前共為忿

怒協比讒言毀惡我一人怒其前愆與之更始也

傳定其至之位正義曰訓攸為所定其所居總謂

都城之內官府萬民之居處也鄭玄云徙主於民故

先定其里宅所處次乃正宗廟朝廷之位如鄭之意

奠厥攸居者止謂定民之居蓋先令民居使足待其

餘剩之處然後建王宮乎若留地以擬王宮即是先

王肅云勉立大教建性命致之五福又案下句爾無其怒予一人是恐其不從已命此句宜言我有敎命汝當勉力立之鄭說如孔旨也。○**傳**布心至告志。正義曰此論心所欲言腹內之事耳以心為五臟之本腹為六腑之總腸在腹內腎在心下舉腎腸以配腹心足以表內。○**古我先王將多于前功**。言以遷徙

多大前人之功美適于山用降我凶德嘉績于朕邦

傳徙必依山之險無城郭之勞下去凶惡之德立善

功於我國。○**降工巷反**。今我民用蕩析離居罔有定

極。水泉沈溺故蕩析離居無安定之極徙以為之

極。○**古**我至定極。正義曰言古者我之先王將欲多大於前人之功是故徙都而適於山險之處

用下去我凶惡之德立善功於我新國但徙來已久水泉沈溺今我在此之民用播蕩析離其居宅無有安定之極我今徙而使之得其中也。○**傳**言以至功美意亦欲多大前人之功定民極也。○**傳**言以至功美。○正義曰古我先王謂遷都者前人謂未遷者前人久居舊邑民不能相匡以生則是居無功矣。○**傳**言先王以此遷徙故多大前人之功美故我今遷亦欲多前功矣。○**傳**徙必至我國。○正義曰先王至此五邦不能盡知其地所都皆近山故總稱適于山也。易坎卦象云王公設險以守其國徙必依山之險欲使下民無城郭之勞雖則近山不可全無城郭言其防守易耳。徙必近山則舊處新居皆有山矣而云適于山者言其徙必依山不適平地不謂舊處無山故徙就山也。水泉鹹鹵民居墊隘時君不為之徙即是凶惡之德其徙者是下去凶惡之德立善功於我新遷之國也。言王者凶德在身下而墜去之。○**傳**水泉至之極。正義曰民居積世穿掘處多則水泉盈溢令人沈深而陷溺其處不可安居播蕩析離其居宅

無安定之極極訓中也詩云立我烝民莫匪爾極言民賴后稷之功莫不得其中今為民失中故徙以為之中爾謂朕曷震動萬民以遷傳言皆不明已本心

肆上帝將復我高祖之德亂越我家傳以徙故天將

復湯德治理於我家治直更反朕及篤敬恭承民命用

永地于新邑傳言我當與厚敬之臣奉承民命用長

居新邑肆予冲人非廢厥謀予由靈傳冲童童人謙

也弔至靈善也非廢謂動謀於眾至用其善音的或如

各非敢違卜用宏茲賁傳宏賁皆大也若臣用謀

不敢違卜用大此遷都大業音扶爾謂至茲賁云反正義曰言

我徙以為民立中汝等不明我心乃謂我何故震動萬民以為此遷我以此遷之故上天將復我高祖成湯之德治理於我家我當與厚敬之臣奉承民命用是長居於此新邑以此須遷之故我童蒙之人非敢廢其詢謀謀於眾人眾謀不同至用其善者言善謀者皆欲遷都也又決之於龜卜而得吉我與汝羣臣各非敢違卜用是必遷光大此遷都之大業我徙本意如此耳傳以徙至我家正義曰民害不徙違失湯德以徙之故天必祐我將使復奉湯德令得治即於我家言由徙故天福之傳冲童至其善正義曰冲童聲相近皆是幼小之名自稱童人言已幼小無知故為謙也弔至靈善皆釋詁文禮將有大事必謀於眾謀眾乃是常理故言非廢謂動謀於眾言已不自守也眾謀必有異見故至極用其善者傳宏賁至大業正義曰宏賁皆大也釋詁文樊光曰周禮云其聲大而宏詩云有賁其首是宏賁皆為大之義也各者非一之辭故為君臣用謀不敢違卜洪範云汝則有大疑謀及卿士謀及卜筮言非敢違卜

尚書疏 卷之六 漢書

是既謀及於眾又決於耆龜也用
大此遷都大謂立嘉績以大之也
嗚呼邦伯師長百
執事之人尚皆隱哉
國伯二伯及州牧也眾長公

卿也言當庶幾相隱括共為善政
長竹丈反注同
予其懋

簡相爾念敬我眾
簡大相助也勉大助汝念敬我

眾民
亮反
朕不肩好貨敢恭生生鞠人謀人之保

居敘欽
肩任也我不任貪貨之人敢奉用進進於

善者人之窮困能謀安其居者則我式序而敬之

呼報反任
嗚呼至敘欽
正義曰言遷事已訖故

而林反
嘆而勅之嗚呼國之長伯及眾官之長
與百執事之人庶幾皆相與隱括共為善政哉我其
勉力大助汝等為善汝當思念愛敬我之眾民我不

任用好貨之人有人果敢奉用進進於善見窮困之
人能謀此窮困之人安居者我乃次序而敬用之

國伯至善政
正義曰邦伯邦國之伯諸侯師長

故為東西二伯及九州之牧也鄭玄注禮記云殷之
州長曰伯虞夏及周皆曰牧此殷時而言牧者此乃

鄭之所約孔意不然故摠稱牧也師訓為眾眾長眾
官之長故為三公六卿也其百執事謂大夫以下諸

有職事之官皆是也此勸眾臣故二伯已下及執
事之人皆戒之也釋言云庶幾尚也反覆相訓故尚

為庶幾庶幸也幾與也隱謂隱審也幸與相與隱審
檢括共為善政欲其同心共為善也隱括必是舊語

不知本出何書何休公羊序云隱括使就繩墨焉
簡大至眾民
正義曰簡大釋詰文又云相助處

也俱訓為慮是相得為助也盤庚欲使羣臣同心為
善欲勉力大佐助之使皆念敬我眾民也
肩任

至敬之
正義曰釋詰云肩勝也舍人曰肩強之勝
也強能勝重是堪任之義故為任也我今不委任貪
貨之人以恭為奉人有向善而心不決志故美其人

[Faint bleed-through text from the reverse side of the page]

尚書訂疏卷第十

漢孔氏傳

唐孔穎達疏

說命上第十二

商書

高宗夢得說

傳 盤庚弟小乙子名武丁德高可尊故號

高宗夢得賢相其名曰說

傳 說本又作兌音悅註及下篇同相息亮反下同

使百工營求諸野得諸傅巖

傳 使百官以所夢之形

象經營求之於外野得之於傅巖之谿作說命三篇

傳 命說為相使攝政 **疏** 高宗至三篇。正義曰：殷之賢王有高宗者，夢得賢相，其

名曰說，羣臣之內既無其人，使百官以所夢之形象

經營求之於野外，得之于傅氏之巖，遂命以為相。史

敘其事，作說命三篇。○**傳** 盤庚至曰說。正義曰：世

本云盤庚崩，弟小辛立，崩弟小乙立，崩于武丁，立是

武丁為盤庚弟小乙子也。喪服四制云：高宗者，武丁

復起中而高之，故謂之高宗。是德高可尊，故號高宗

也。經云爰立作相，王呼之曰說，知其名曰說。○**傳** 使

百至之谿。○正義曰：以工為官，見其求者衆多，故舉

百官言之，使百官以所夢之形象經營求於外。野皇

甫溢云：使百工寫其形象，則謂工為巧之人。與孔

異也。釋水云：水注川曰谿。李巡曰：水出於山入於川

曰谿。谿然則谿是水流之處，巖是山崖之名。序稱得諸

傅巖，傳云得之於傅巖之谿，以巖是總名，故序言之

耳。○**傳** 命說至攝政。○正義曰：經稱爰立作

相，是命為相也。惟說命總百官，是使攝位也。

說命傳 始求得而命之 **疏** 說命。○正義曰：此三篇

命之中篇說，既總百官戒王為政，下篇王欲師

說而學說，報王為學之有益。王又厲說以伊尹

之功相對，以成章史之序，以為三篇也。

王宅憂亮陰三祀 **傳** 陰默也。居憂信默三年不言。○**疏** 亮

作諒如字。○**傳** 王宅憂亮陰三祀。○正義曰：言王居父

又力章反。○**傳** 憂信任冢宰默而不言。已三年矣。三年

不言，自是常事。史錄此句於首者，謂既免喪事，可以

言而猶不言，故述此以發端也。○**傳** 陰默至不言。○

正義曰：陰者幽闇之義，默亦闇義，故為默也。易稱君

子之道，或默或語，則默者不言之謂也。無逸傳云：乃

有信，默三年不言，有此信。○**傳** 既免喪其惟弗言。○**傳** 除喪

默則信，謂信任冢宰也。○**傳** 既免喪其惟弗言。○**傳** 除喪

猶不言，政羣臣咸諫于王曰：嗚呼！知之曰明哲，明哲

及古，聞

實作則傳知事則為明智明智則能制作法則本又

作天子惟君萬邦百官承式傳天下待令百官仰法

王言惟作命不言臣下罔攸稟令傳稟受令亦命也

王庸作書以誥曰以台正于四方台恐德弗類茲故

弗言傳用臣下怪之故作誥類善也我正四方恐德

不善此故不言誥故報恭默思道夢帝賚予良弼

其代予言傳夢天與我輔弼良佐將代我言政教賚

力代反乃審厥象俾以形旁求于天下傳審所夢之

徐音奉人刻其形象以四方旁求之於民間俾必說築傳

巖之野惟肖傳傅氏之巖在虞號之界通道所經有

澗水壞道常使胥靡刑人築護此道說賢而隱代胥

靡築之以供食肖似所夢之形肖音笑號寡白

疏傅氏至之形正義曰傅以傅為氏此巖以傅

為名明巖傍有姓傅之民故云傅氏之巖也尸子

云傅巖在北海之洲傳言虞號之界孔必有所案據

而言之也史記殷本紀云是時說為胥靡築於傅險

晉灼漢書音義云胥相也靡隨也古者相隨坐輕刑

之名言於時築傅險則以杵築地傅說賢人必身不

犯罪言其說為胥靡當是時代胥靡也傳去通道所

經有澗水壞道常使胥靡刑人築護此道說賢而隱

代胥靡築之以供食或亦有成文也殷本紀又云武

丁得說舉以為相遂命傅險姓之號曰傅說鄭云得

諸傳巖高宗因以傅命說為氏案序直言夢得說不

氏也皇甫謐云高宗夢天賜賢人胥靡之衣裳之而
來曰云我徒也姓傅名說天下得我者豈徒也哉武
丁悟而推之曰傅者相也說者權悅也天下當有傅
我而說民者哉明以夢視百官百官皆非也乃使百
工寫其形象求諸天下果見築者胥靡衣褐帶索執
役于虞說之開博巖之野名說以其得之傅巖謂之
傅說案謚言初夢即云姓傅名說又言得之傅巖謂
之傅說其言自不相副謚惟見此書傅會為近世之
語其言非 **立作相王置諸其左右** 於是禮命立
實事也

以為相使在左右命之曰朝夕納誨以輔台德 **傳**言
當納諫誨直辭以輔我德 **傳** 朝張 **若金用汝作礪** **傳**
逆反

鐵須礪以成利器 **傳** 礪力 **若濟巨川用汝作舟楫** **傳**
世反 **波大水待舟楫** **傳** 楫音接 **若歲大旱用汝作霖雨** **傳**
除音集

霖三日雨霖以救旱 **傳** 霖三日雨 **正義曰隱九**
年左傳云凡雨自三日已往

為霖啓乃心沃朕心若藥弗瞑眩厥疾弗瘳 **傳** 開汝心
以沃我心如服藥必瞑眩極其病乃除欲其出切言

以自警 **傳** 瞑莫遍反眩玄遍反徐又呼縣 **傳** 啓乃至
反瞑眩困極也瘳勑留反警音景 **傳** 弗瘳 **傳**
正義曰當開汝心所有以灌沃我心欲令以彼所見

教已未知故也其沃我心須切至若服藥不使人瞑
眩憤亂則其疾不得瘳愈言藥毒乃得除病言切乃
得去惑也 **傳** 開汝至自警 **傳** 正義曰瞑眩者令人
憤悶之意也 **傳** 凡飲藥而毒東齊海岱間或謂

之瞑或謂之眩郭璞云瞑眩亦通語也然則藥之攻
病先使人瞑眩憤亂病乃得瘳傳言瞑眩極者言闕
極藥乃行也楚語稱衛武公作懿以自警懿即大雅

抑詩也切言出於傳 **若跣弗視地厥足用傷** **傳** 跣必
說據王以為自警也

視地足乃無害言欲使為已視聽○ 跪先典反徐七顯及為于偽反

惟暨乃僚罔不同心以匡乃辟○ 與汝並官皆當倡

率無不同心以匡正汝君○ 亦反 倕率先王迪我高

后以康兆民○ 言匡正汝君使循先王之道蹈成湯

之蹤以安天下嗚呼欽予時命其惟有終○ 敬我是

命修其職使有終說復于王曰惟木從繩則正后從

諫則聖○ 言木以繩直君以諫明后克聖臣不命其

承○ 君能受諫則臣不待命其承意而諫之疇敢不

祇若王之休命○ 言王如此誰敢不敬順王之美

而諫者乎

說命中第十三

商書

惟說命總百官○ 在冢宰之任 音總 惟說命總百官

○ 傅說受王命總百官之職謂在冢宰之任也說以官高任重乃進言於王故史特標此句為發言之端也

乃進于王曰嗚呼明王奉若天道建邦設都○ 天有

日月北斗五星二十八宿皆有尊卑相正之法言明

正奉順此道以立國設都○ 音秀 天有至設都

○ 者天地其次君臣易繫辭云天垂象見吉凶聖人象之皆言人君法天以設官順天以致治也天有日月

照臨晝夜猶王官宗伯率領諸侯也北斗環繞北極猶卿士之周衛天子也五星行於列宿猶州牧之省察諸侯也二十八宿布於四方猶諸侯為天子守土也天象皆有尊卑相正之法言明王奉順天道以立國設都也立國謂立王國及邦國設都謂設帝都及諸侯國都總言建國立家之事

樹后王君

公承以大夫師長 言立君臣上下將陳為治之本

故先舉其始 ○于方反長竹丈 **樹后** 至師長 ○正義曰此又據言設官分職之事也樹立也后王謂天子也君公謂諸侯也承者奉上之名后王君公人主也大夫師長人臣也臣當奉行君命故以承言之周禮立官多以師為名師者眾所法亦是長之義也大夫以下分職不同每官各有其長故以師長言之三公則君公之內包之卿則大夫之文兼之師長之言亦通有將陳為治之本故先舉其始略言設官故辭不詳備為治之本相天聰明已下皆是也

不惟逸豫

惟以亂民 不使有位者逸豫民上言立之主使治

○豫羊 **惟天聰明惟聖時憲惟臣欽若惟民從乂**

傳 憲法也言聖王法天以立教於下無不聞見除其所惡納之於善雖復運有推移道有升降其所施為

未嘗不法天也臣敬順而奉之奉即上文承也奉承

君命而布之於民民以從上為治不從上命則亂故

從乂也 ○從才 **惟口起羞惟甲冑起戎** 甲鏡冑兜

○冑直又冑鏡苦代反

整也言不可輕教命易州兵 兜丁侯反整莫侯反易

以鼓 **惟衣裳在笥惟干戈省厥躬** 言服不可加非

其人兵不可任非其才息非反本作肯惟口至厥

善以起羞辱惟甲冑伐非其罪以起或兵言不可輕

能足稱職然後賜之惟干戈在府庫不可加非其人觀其

省其身堪將師然後授之上二句事相類下二句文

躬衣裳不言視其人令其互相足也甲冑至用

兵○正義曰經傳之無鏡與兜鍪蓋秦漢已來始有

此名傳以今曉古也古之甲冑皆用犀兕未有用鐵

者而蔡鏡之字皆從金蓋後世始用鐵耳口之出言

為教令甲冑與師乃用之言不可輕教令易用兵也

易亦輕也安危在出令令之不善則人為背之是起

羞也○傳言服至其才○正義曰非其人非其才義同而

受職再命受服三命受位四命受器五命賜則六命

賜官七命賜國八命作牧九命作伯鄭云一命始見

命為正吏受職治職事也列國之士一命王之下士

亦一命再命受服受玄冕之服列國之大夫再命王

之中士亦再命然則再命也上始受衣服未賜之時

在官之篋笥也甲冑干戈俱是軍器上言不可

輕用兵此言不可妄委人雖文重而意異也王惟

戒茲允茲克明乃罔不休言王戒慎此四惟之事

信能明政乃無不美惟治亂在庶官言所官得人

則治失人則亂官不及私昵惟其能不加私昵惟

能是官乙反昵女爵罔及惡德惟其賢言非賢不爵

○正義曰王制云論定然後官之任

然則治其事謂之官受其位謂之爵官爵一也所從

言之異耳賢謂德行能謂才用治事必用能故官云

尚書疏

卷之十

惟其能受位宜得賢故爵云惟其賢詩序云任賢使能周禮鄉大夫三年則大比考其德行道藝而與賢者能者鄭云賢者有德行者能者有道藝者是賢能為異耳私昵謂知其不可而用之惡德謂不知其非而任之戒王使審求人絕私好也

慮善以動動惟厥時傳非善非時不可動有其善喪厥善矜其能喪厥功傳雖天子亦

必讓以得之浪反喪息有其至厥功正義曰人生

則人不以為善故實善而喪其善自誇其能則人不以為能故實能而喪其能由其自取故人不與之有其善則伐善也舜美禹云汝惟不矜天下莫與汝爭能汝惟不伐天下莫與汝爭功是言惟而不有故名反歸也

惟事事乃其有備有備無患傳事事非一事無之也

啓寵納侮傳開寵非其人則納侮之道傳無啓寵納侮正義

曰君子位高益恭小人得寵則慢若寵小人則必恃寵慢主無得開小人以寵自納此輕儻也開謂君出恩以寵臣納謂臣入慢以輕王

無恥過作非傳恥過據君而言開納以出入為文也

誤而文之遂成大非傳恥過至大非正義曰仲

小人有過皆惜而不改論語云小人之過也必文恥有過誤而更以言辭文飾之望人不覺其非彌甚故遂成大非也

惟厥攸居政事惟醇傳其所居行皆如所言則王之政事醇粹醇音純

煩則亂事神則難傳祭不欲數數則躡躡則不敬事

神禮煩則亂而難行高宗之祀特豐數近廟故說因

以戒之躡徒木反祭不至戒之正義曰祭

奇書流卷之十八及古

記祭義文也此一經皆言祭祀之事禮煩亦謂祭祀之煩故傳總云事神禮煩亂而難行孔以高宗彤日祖已訓諸王祀無豐于昵謂傳說此言為彼事而王發故云高宗之祀特豐數於迺廟故說因而戒之

曰旨哉說乃言惟服傳旨美也美其所言皆可服行

乃不良于言予罔聞于行傳汝若不善於所言則我

無聞於所行之事說拜稽首曰非知之艱行之惟艱

傳言知之易行之艱以勉高宗王忱不艱允協于先

王成德傳王心誠不以行之為難則信合於先王成

德傳惟說不言有厥咎傳王能循善而說不言

則有其咎罪

說命下第十四

商書

王曰來汝說台小子舊學于甘盤傳學先王之道甘盤

殷賢臣有道德者台王曰至甘盤正義曰舊

君奭篇周公仰陳殷之賢臣云任武丁時則有若甘

盤然則甘盤於高宗之時有大功也上篇高宗免喪

不言即求傳說似得說時無賢臣矣蓋甘盤於小乙

之世以為大臣小乙將崩受遺輔政高宗之初得有

大功及高宗免喪甘盤已死故君奭傳曰高宗即位

甘盤作之後有傳說是言傳說之前有甘盤也但下

句言既乃遜于荒野是學說乃既乃遜于荒野入宅

遜非即位之初從甘盤學也于河既學而中廢業遜居田野河洲也其父欲使

高宗知民之艱苦故使居民閒○遜待

義曰河是水名水不可居而云入宅于河知在河之

洲也釋水云水中可居者曰洲初遜田野後入河洲

言其徙居無常也無遠云其在高宗時舊勞於外爰

暨小人言其父欲使高宗知民之艱苦故使居民間

也於時蓋未為太子殷道雖質自河徂亳暨厥終罔

不可既為太子更得與民雜居顯傳自河徂居亳與今其終故遂無顯明之德爾惟

訓于朕志傳言汝當教訓於我使我志通達若作酒

醴爾惟麴傳酒醴須麴傳以成亦言我須汝以成

○麴起六反若作和羹爾惟鹽梅傳鹽鹹梅醋羹須

藥魚列反鹹醋以和之○羹音庚一音衡鹽余廉反梅亦爾交

作保醋七故反和如字又胡臥反

脩子罔子棄予惟克邁乃訓傳交非一之義邁行也

言我能行汝教傳交非至汝教○正義曰爾交脩

非一之義言交互教之非說曰王人求多聞時惟建

一事之義邁行釋詁文事學于古訓乃有獲傳王者求多聞以立事學於古

訓乃有所得事不師古以克永世匪說攸聞傳事不

法古訓而以能長世非說所聞言無是道惟學遜志

務時敏厥脩乃來傳學以順志務是敏疾其德之脩

乃來傳惟學至乃來○正義曰人志本欲求善欲學

順人本志學能務是敏疾則其德之脩乃自

來言務之既疾則允懷于茲道積于厥躬傳信懷此

德自來歸已也

尚書疏

卷之十一

及古

及古

學志則道積於其身惟敦學半念終始典于學厥德

脩罔覺傳敦教也教然後知所困是學之半終始常

念學則其德之脩無能自覺傳敦反傳惟敦至罔覺

人然後知困知困必將自強惟教人乃是學之半言

其功半於學也於學之法念終念始常在於學則其

德之脩漸漸進益無能自覺其傳監于先王成憲其永

進言日有所益不能自知也傳無愆傳愆過也視先王成法其長無過其惟學乎傳愆

起處傳惟說式克欽承旁招俊又列于庶位傳言王能

志學說亦用能敬承王志廣招俊又例列眾官傳俊

峻傳王曰嗚呼說四海之內咸仰朕德時乃風傳風教

也使天下皆仰我德是汝教傳徐五亮反傳股肱惟人良

臣惟聖傳手足具乃成人有良臣乃成聖昔先正保

衡作我先王傳保衡伊尹也作起正長也言先世長

官之臣傳長丁丈傳保衡至之臣傳正義曰保衡

為保衡言天下所取安所取平也鄭箋云阿倚衡平

也伊尹湯所依倚而取平也故以為官名又云太甲

時曰保衡鄭不見古文太甲云不惠于阿衡故此為

解孔所不用計此阿衡保衡非常人之官名蓋當時

持以此名號伊尹也作訓為起傳乃曰予弗克俾厥后

言起而助湯也正長釋詁文傳惟堯舜其心愧恥若撻于市傳言伊尹不能使其君

如堯舜則恥之若見撻于市故成其能傳撻他達反

尙書疏

卷之十一

尚書疏 卷之十一 漢書

一夫不獲則曰時予之辜傳伊尹見一夫不得其所

則以為已罪佑我烈祖格于皇天傳言以此道左右

成湯功至于天無能及者傳尚明保予罔俾阿衡專

美有商傳汝庶幾明安我事則與伊尹同美何反

惟后非賢不又惟賢非后不食傳言君須賢治賢須

君食治直其爾克紹乃辟于先王永綏民傳能繼

汝君於先王長安民則汝亦有保衡之功亦反說

拜稽首曰敢對揚天子之休命傳對答也答受美命

而滿揚之

高宗彤日第十五

商書

高宗祭成湯有飛雉升鼎耳而雉傳耳不聽之異雉鳴

○唯工祖已訓諸王傳賢臣也以訓道諫王音紀作

高宗彤日高宗之訓傳所以訓也音融高宗至

正義曰高宗祭其太祖成湯於彤祭之日有飛雉來

升祭之鼎耳而雉鳴其臣祀已以為王有失德而致

此祥遂以道義訓王勸王改前德政史敘其事作高

宗彤日高宗之訓二篇○耳不至雉鳴○正義曰

經言彤日有雉雉不知祭何廟鳴何處故序言祭成

湯升鼎耳以足之禘禘與四時之祭祭之明日皆為

彤祭不知此彤是何祭之彤也漢範五事有貌言視

聽思若貌不恭言不從視不明聽不聰思不睿各有

尚書疏 卷之十一 漢書

妖異與焉雉乃野鳥不應入室今乃入宗廟之內升
鼎耳而鳴孔以雉鳴在鼎耳故以為耳不聰之異也
洪範五行傳云視之不明時則有羽蟲之孽聽之不
聰時則有介蟲之孽言之不從時則有毛蟲之孽貌
之不恭時則有鱗蟲之孽思之不睿時則有裸蟲之
孽先儒多以此為羽蟲之孽非為耳不聰也漢書五
行志劉歆以為鼎三足三公象也而以耳行野鳥居
鼎耳是小人將居公位敗宗廟之祀也鄭云鼎三公
象也又用耳行雉升鼎耳而鳴象視不明天意若云
當仕三公之謀以為政劉鄭雖小異其為羽蟲之孽
則同與孔意異詩云雉之朝唯尚求其雛說文云雛
雄雉鳴也雷始動雉乃鳴而雉其頸○所以訓也
七○正義曰名高宗之訓所以訓高宗也此二篇俱
是祖已之言並是訓王之事經云乃訓于王此篇亦
是訓也但所訓事異分為二篇標此為發言之端故
以彤日為名下篇摠諫王之事故名之訓終始互相
明也肆命但后孔歷其名於訓之下別為之傳此
高宗之訓因序為傳不重出名者此以訓王事同因

一解文便作傳
不為例也

高宗彤日

祭之明日又祭殷曰彤周曰繹音亦

字書作釋爾雅云又祭也

周曰繹商曰彤夏曰復肸正義曰釋文云釋

又祭也周曰繹商曰彤孫炎曰祭之明日尋釋

復祭也彤者相尋不絕之意春秋宣八年六月

辛巳有事於太廟壬午猶釋穀梁傳曰繹者祭

之且日之享賓也是彤者祭之明日又祭也爾

雅因釋祭而本之上世故先周復商此以上代

先後故與爾雅倒也釋文又云夏曰復肸郭璞

云未見所出或無此一句孔傳不言夏曰復肸

於義非所須或本無此事也儀禮有司徹上大

夫曰饋尸與正祭同日鄭康成註詩鳧

鷺云祭天地社稷山川五祀皆有釋祭

高宗彤日越有雉雉傳於彤日有雉異祖已曰惟先格

王正厥事傳

言至道之王遭變異正其事而異自消

高宗至厥事。正義曰：高宗既祭成湯彤祭之日，於是見其雉鳴之雉在於鼎耳，此乃怪異之事。賢臣祖已見其事而私自言曰：惟先世至道之王遭變異，則正其事而異自消也。既作此言，乃進言訓王，史錄其事以為訓王之端也。言至至自消。正義曰：格訓至也。至道之王謂用心至極，行合於道，遭遇變異，改脩德教，正其事而異自消。大戊拱木武丁雉雉皆感變而懼，殷道復興，是異自消之驗也。至道之王當無災異而云遭變消災者，天或有譴告使之至道未必為道不至而致此異，且此勸戒之辭不可執文以害意也。此經直云祖已曰：不知與誰語，鄭云謂其黨王肅云：言于王下句始言乃訓于王，此句不是。告王之辭，私言乃訓于王曰：惟天監下民，與厥義。祖已既言，遂以道訓練王，言天視下民以義為常。乃訓于王曰：惟天監下民，與厥義。

年有永有不永非天天民民中絕命傳

言天之下年

與民有義者長無義者不長非天欲天民民自不脩義以致絕命。中竹仲反又如字。民有不若德不聽罪天既孚

命正厥德傳

不順德言無義不服罪不改脩天已信

命正其德謂有永有不永。乃訓至厥德。正義曰：道訓練於王曰：惟天視此下民，常用其義言以義視下，觀其為義以否其下。年與民有長者有不長者，言與為義者長不義者短，短命者非是天欲天民，民自不脩義使中道絕其性命，但人有為行不順德義，有過不服聽罪過而不改，乃致天罰，非天欲天之也。天既信行賞罰之命，正其馭民之德，欲使有義者長不義者短，王安得不行義事求長命也。言天至綱命。正義曰：經惟言有永有不永安，知由義者以上及古

句云惟天監下民典厥義天既以義為常知命之長短莫不由義故云天之下年與民有義者長無義者不長也民有五常之性謂仁義禮智信也此獨以義為言者五常指體則別理亦相通義者宜也得其事宜五常之名皆以適宜為用故稱義可以摠之也民有貴賤貧富愚智好醜不同多矣獨以天壽為言者鄭玄云年命者蠢愚之人尤惛焉故引以東王也惛貪也洪範五福以壽為首六極以短折為先是年壽者最是人之所貪故祖已引此以諫王也○**傳**不順至不永○正義曰傳亦顧上經故不順德言無義也聽謂聽從故以不聽為不服罪言既為罪過而不肯改脩也天已信命正其德言天自信命實有義罰無義此事必信也天自正其德福善禍淫其德必不差也謂民有永有不永天隨其善惡而報之勸王改過修德以**乃曰其如台****傳**祖已恐王未受其言故乃復求永也

曰天道其如我所言

台音怡
復扶又反

嗚呼王司敬民罔非

天胤典祀無豐于昵**傳**胤嗣昵近也歎以感王入其

言王者主民當敬民事民事無非天所嗣常也祭祀有常不當特豐於近廟欲王因異服罪改修之○**豐**

反昵女乙反尸子云不避遠昵昵近也○**傳**嗚呼至于昵也又乃禮反馬云昵考也謂禱廟也○正義曰祖

已恐其言不入王意又歎而戒之嗚呼王者主民當謹敬民事民事無非天所繼嗣以為常道者也天以

其事為常王當繼天行之祀禮亦有常無得豐厚於近廟若特豐於近廟是失於常道高宗豐於近廟欲

王服罪改修也○**傳**胤嗣至改修之○正義曰釋詁云胤嗣繼也俱訓為繼是胤得為嗣嗣亦繼之義也

釋詁云即尼也孫炎曰即猶今也尼者近也郭璞引尸子曰悅尼而來遠是尼為近也尼與昵音義同烝民不能自治自立君以主之是王者主民也既與民為主當敬慎民事民事無大小無非天所嗣常也言

天意欲令繼嗣行之所以為常道也祭祀有常謂犧
牲案盛尊彝俎豆之數禮有常法不當特豐於近廟
謂犧牲禮物多也祖已知高宗豐於近廟欲王因此
雖雉之異服罪改修以從禮耳其異不必由豐近而
致之也王肅亦云高宗豐於禘故
有雉雉升遠祖成湯廟鼎之異

西伯戡黎第十六

商書

殷始咎周

咎惡

咎其九反馬云

周人乘黎

乘勝

也所以見惡

黎力兮反國名

祖伊恐

祖已後賢

臣奔告于受

受紂也音相亂帝乙之子嗣立暴虐

無道

受如字傳云受紂也音相亂馬云受

作西伯

戡黎

戡亦勝也

伯亦作柏戡音堪說文作戡云殺也以此戡訓刺音竹甚反勝詩

證殷始至戡黎○正義曰文王功業稍高王兆漸
反著殷之朝廷之臣始畏惡周家所以畏惡之者

以周人伐而勝黎邑故也殷臣祖伊見周克黎國之
易恐其終必伐殷奔走告受言殷將滅史敘其事作

西伯戡黎○咎惡又云乘勝至見惡○正義曰易
繫辭云無咎者善補過也則咎是過之別名以彼過

而憎惡之故咎為惡也以其勝黎所以見惡釋其見
惡之由是周人勝黎之後始惡之詩毛傳云乘陵也

乘駕是加陵之意故乘為勝也鄭玄云紂同文王斷
虞芮之訟又三伐皆勝而始畏惡之所言據書傳為

說伏生書傳云文王受命一年斷虞芮之質二年伐
邢三年伐密須四年伐犬夷五年伐者六年伐崇七
年而崩者即黎也乘黎之前始言惡周故鄭以伐邢
伐密須伐犬夷三伐皆勝始畏惡之武成篇文王誕
膺天命九年乃崩則伐國之年不得如書傳所說未
必見三伐皆勝始畏之○祖已後賢臣○正義曰

及古閣

此無所出正以同為祖氏知其後明能先覺故知賢臣。受紂至無道。正義曰經云奔告于王王無謚號故序言受以明之此及秦誓武成皆呼此君為受自外書傳皆呼為紂受即紂也音相亂故字改易耳殷本紀云帝乙崩子辛立是為帝辛天下謂之紂鄭玄云紂帝乙之少子名辛帝乙愛而欲立焉號曰受德時人傳聲轉作紂也史掌書知其本故曰受與孔大同謚法云殘義損善曰紂殷時未有謚法後人見其惡為作惡義耳。戲亦勝也。正義曰戲勝釋詁文孫炎曰戲強之勝也。

西伯戲黎

西伯既戲黎。近王圻之諸侯在上黨東北。○近附近。依。西伯戲黎。正義曰鄭玄云西伯周文王也時反國於岐封為雍州伯也國在西故曰西伯王肅云王者中分天下為二公總治之謂之二伯得專行征伐文王為西伯黎侯無道文王伐而勝之兩說不

同孔無明解下傳云文王率諸侯以事紂非獨率一州之諸侯也論語稱三分天下有其二以服事殷謂文王也終乃三分有二豈獨一州牧乎且言西伯對東為名不得以國在西而稱西伯也蓋同二肅之說。○近王至東北。正義曰黎國漢之上黨郡壺關所治黎亭是也紂都朝歌王圻千里黎在朝歌之西故為近王圻之諸侯也鄭云入紂圻內文王猶尚事紂不可伐其圻內所言圻內亦無文也。祖伊

恐奔告于王曰天子天既訖我殷命。文王率諸侯

以事紂內秉王心紂不能制今又克有黎國迫近王圻故知天已畢訖殷之王命言將化為周。○王心于

官王。文王至為周。○正義曰襄四年左傳云文者同。王率殷之叛國以事紂是率諸侯共事紂也。貌雖事紂內秉王心布德行威有將王之意而紂不能制日益強大今復克有黎國迫近王圻似有天助。

之力故云天已畢訖殷之王命言格人元龜罔敢知

殷祚至此而畢將欲化為周也

吉傳 至人以人事觀殷大龜以神靈考之皆無知吉

至 至人至知吉○正義曰格訓為至至人謂至道

靈逆知來物故大龜以神靈考之二者皆無知殷有

吉者言必凶也祖伊木必問至人親灼龜但假之以

為言**非先王不相我後人惟王淫戲用自絕****傳**非先

祖不助子孫以王淫過戲逸用自絕於先王

絕於先王故天亦棄之宗廟不有安食於天下而王

不度知天性命所在而所行不蹈循常法言多罪

待洛**傳**以紂至多罪○正義曰禮記稱萬物本於

反**既**自絕於先王亦自絕於天上經言紂自絕先王此

言天棄紂互明紂自絕然後天與先王棄紂之故傳

申通其意以紂自絕先王故天亦棄之亦者亦先王

言先王與天俱棄之也孝經言天子得萬國之歡心

以事其先王然後祭則鬼享之今紂既自絕於先王

先王不有安食於天下言紂雖以天子之尊事宗廟

宗廟之神不得安食也而王不度知天命所在不知

已之性命當盡也而所行不蹈循常法動悉違法言

多**今我民罔弗欲喪曰天曷不降威大命不摯今王**

其如台**傳**摯至也民無不欲王之亡言天何不下罪

誅之有大命宜王者何以不至王之凶害其如我所

言○摯音至**傳**摯至也至所言○正義曰摯至同

恨其久行虐政欲得早殺之也有大命宜王者何以不至向望大聖之君欲令早伐紂也王之凶禍其如我之所言以王不信故審告之也 **王曰嗚呼我生不有命在天** **傳**言

我生有壽命在天民之所言豈能害我遂惡之辭祖 **伊反曰嗚呼乃罪多參在上乃能責命于天** **傳**反報

紂也言汝罪惡衆多參列於上天天誅罰汝汝能責

命于天拒大誅乎 **參七南反馬** **殷之即喪指乃功**

不無戮于爾邦 **傳**言殷之就亡指汝功事所致汝不

得無死戮於殷國必將滅亡立可待

微子第十七

商書

殷既錯天命 **傳**錯亂也 **微子作誥** **傳**少師

師 **傳**告二師而去紂 **少師** **傳**殷既至少師正義

錯辭天命其兄微子知紂必亡以作言誥告父師其

子少師比于史敘其事而作此篇也名曰微子而不

言作微子者已言微子作誥以可知而省文也 **傳**

錯亂也 **正義**曰交錯是渾亂之義故為亂也 **傳**

言紂惡而言錯亂天命者天生蒸民立君以牧之為

君而無君道是錯亂天命為惡之大故舉此以見惡

之極 **微子** **傳**微圻內國名子爵為紂卿士去無道 **傳**

圻至無道 **正義**曰微國在圻內先儒相傳為

然鄭玄以為微與箕俱在圻內孔雖不言箕亦

可書充 **卷之十** **十九** **及古月**

當在圻內也王肅云微國名子爵入為王卿士肅意蓋以微為圻外故言入也微子名各世家作開避漢景帝諱也啓與其弟仲衍皆是紂之同母庶兄史記稱微仲衍亦稱微者微子封微以微為氏故弟亦稱微猶如春秋之世虞公之弟稱虞叔祭公之弟稱祭叔微子若非大臣則無假憂紂亦不必須去以此知其為卿士也傳云去無道者以去見其為卿士也

微子若曰父師少師

傳

父師太師三公箕子也少師孤

卿比于微子以紂距諫知其必亡順其事而言之殷

其弗或亂正四方

傳

或有也言殷其不有治正四方

之事將必亡

傳

我祖底遂陳于上

傳

言湯致遂

其功陳列於上世我周沈酗于酒用亂敗厥德于下

傳

我紂也沈而酗管敗亂湯德於後世

傳

以酒為凶曰酗說文作醕云酒醬酒面善反醬音詠說文于命反醕酒也

殷罔不小大好

草竊姦究

傳

草野竊盜又為姦究於外內

傳

卿士師師非度凡有辜罪乃罔恒獲

傳

六卿典士相

師效為非法度皆有辜罪無秉常得中者

傳

方輿相為敵讎

傳

卿士既亂而小人各起一方共為

敵讎言不和同

傳

今殷其淪喪若涉大水其無

津涯

傳

淪沒也言殷將沒亡如涉大水無涯際無所

依就

傳

殷遂喪越至于今

言遂喪亡於是至於今到不待久微子至于命。○
 欲去殷順其去事而言曰父師少師呼二師與之言
 也今殷國其將不復有治正四方之事言其必滅亡
 也昔我祖成湯致行其道遂其功業陳列於上世矣
 今我紂惟用沈湎醜營於酒用是亂敗其祖之德於
 下由紂亂敗之故今日殷人無不小大皆好草竊姦
 先雖在朝卿士相師師為非法度之事朝廷之臣皆
 有辜罪乃無有一人能秉常得中者在外小人方方
 各起相與共為敵讎荒亂如此今殷其沒亡若涉大
 水其無津濟涯岸殷遂喪亡言不復久也此喪亡於
 是至於今到必不得更久也。○傳父師至言之。○正
 義曰以畢命之篇王呼畢公為父師畢公時為太師
 也周官云太師太傅太保茲惟三公少師少傅少保
 曰三孤家語云比干官則少師少師是上于知上師
 是箕子也徧檢書傳不見箕子之名惟司馬彪注而
 于云箕子名胥餘不知出何書也周官以少師
 此傳言孤卿者孤亦卿也考工記曰外有九宰九

朝焉是三孤六卿共為九卿也比干不言封爵或本
 無爵或有而不言也家語云比干是紂之親則諸父
 知比干是紂之諸父耳箕子則無文宋世家云箕子
 者紂親戚也止言親戚不知為父為兄也鄭玄王肅
 皆以箕子為紂之諸父服虔杜預以為紂之庶兄既
 無正文各以意言之耳微子以紂距諫知其必亡心
 欲去之故順其去事而言呼二師以告之。○傳或有
 至必亡。○正義曰或者不定之辭其事欲當然則是
 有此事故以或為有也鄭玄論語注亦云或之言有
 也不有言無也天子天下之主所以治正四方言殷
 其不有治正四方之事言將必亡。○傳我紂至後世
 正義曰嗜酒亂德是紂之行故知我我紂也人以
 酒亂若沈於水故以耽酒為沈也湎然是齊同之意
 詩云天不湎爾以酒鄭云天不同汝顏色以酒是湎
 謂酒變面色湎然齊同無復平時之容也說文云醜
 營也然則醜營一物謂飲酒醉而發怒經言亂敗其
 德必有所屬上言我祖指謂成湯知言敗亂湯德於
 後世也上謂前世故下為後世也。○傳六卿至中者

○正義曰士訓事也故卿士為六卿典事師師言相師效為非法度之事也止言卿士以貴者尚爾見賤者皆然故王肅云卿士以下轉相師效為非法度之事也鄭云凡猶皆也傳意亦然以凡為皆言卿士以下在朝之臣其所舉動皆有辜

出狂吾家耄遜于荒
我念廢亡發疾生狂在家耄

亂故欲遷出於荒野言愁悶
出尺遂反耄字又作鹿莫報反注同遜徒困

反徐徒頓反
今爾無指告予顛濟若之何其
汝無

指意告我殷邦顛隕濟陸如之何其救之
○濟子細

兮反切韻祖稽
曰父師至何其○正義曰微子既反隕于敏反
言紂亂乃問身之所宜止而復言故別加一曰父師少師更呼而告之也我念廢亡之故其心發疾生狂吾在家心內耄亂欲遜遷出於荒

野今汝父師少師無指滅亡之意告我云殷邦其隕陸則思如之何其救之乎恐其留已共救之也○

我念至愁悶○正義曰狂生於心而出於外故傳以出狂為生狂應璩詩云積念發狂癡此其事也在家

思念之深精神益以耄亂鄭玄云耄昏亂也在家不堪耄亂故欲遜出於荒野言愁悶之至詩云駕言出遊以寫我憂亦此意也○

無指意告我者謂無指殷亡之事告我言殷將隕陸欲留我救之顛譚從上而隕濟謂陸於溝壑皆滅亡之意也昭十三年左傳曰小人老而無子知濟於溝壑矣王肅云濟濟溝壑

父師若曰王子
比于不見

明心同省文微子帝乙元子故曰王子
○見賢遍反省所景反

天毒降災荒殷邦方興沈酗于酒
天生紂為亂是

天毒下災四方化紂沈湎不可如何乃罔畏畏咈其

者長舊有位人

傳言起沈湎上不畏天災下不畏賢

人違戾耆老之長臥仕之賢不用其教法紂故

扶勿

反耆工口反長竹丈反注同

今殷民乃攘竊神祇之犧牲用以

容將食無災

傳自來而取曰攘色純曰犧體完曰牲

牛羊豕曰牲器實曰用盜天地宗廟牲用相容行食

之無災罪之者言政亂

攘如羊反因來而取曰攘竊馬云往盜曰竊神祇天曰

神地曰祇犧許宜反牲音全

降監殷民用又讎斂召敵讎不怠

傳下視殷民所用治者皆重賦傷民斂聚怨讎之道而

又亟行暴虐自召敵讎不解怠

讎如字下同徐云鄭音疇馬本作雠云

數也斂力檢反馬鄭力豔反謂賦斂也徐云鄭力劔反治直吏反亟欺忌反數也又紀力反不又作極如

字至也解佳賣反

罪合于一多瘠罔詔

傳言殷民上下有罪

皆合於一法紂故使民多瘠病而無詔救之者

在益

反商今其有災我興受其敗

傳災滅在近我起受其

敗言宗室大臣義不忍去商其淪喪我罔為臣僕詔

王子出迪

傳商其沒亡我二人無所為臣僕欲以死

諫紂我教王子出合於道

臣僕一本無臣字

我舊云刻子王

子弗出我乃顛隤

傳刻病也我久知子賢言於帝乙

欲立子帝乙不肯病子不得立則宜為殷後者子今

若不出逃難我殷家宗廟乃隕墜無主舊云馬云

馬云侵刻也言也刻音克難乃旦反

自靖人自獻于先王傳各自謀行其志

人人自獻達于先王以不失道清謂潔也我不顧

行遜傳言將與紂俱死所執各異皆歸於仁明君子

之道出處語默非一途顧音故父師至行遜徐音鼓

順其事而報微子曰王子今天酷毒下災生此昏虐

之君以荒亂殷之邦國紂既沈枷四方化之皆起而

沈酒酗管於酒不可如何小人皆自放恣乃無所畏

上不畏天災下不畏賢人違戾其耆老之長與舊有

爵位致仕之賢人今殷民乃懷竊祭祀神祇之犧牲

牲用以相通容行取食之無災罪之者盜天地大祀

之物用而不得罪言政亂甚也我又下視殷民所用

為治民者皆讎怨斂聚之道也言重賦傷民民以在

上為讎重賦乃是斂讎也既為重賦又急行暴虐此

所以益招民怨是乃自召敵讎不懈怠也上下各有

罪合於一紂之身言紂化之使然也故使民多瘠病

而無詔救之者商今其有滅亡之災我起而受其敗

商其沒亡喪滅我無所為人臣僕言不可別事他人

必欲諫取死也我教王子出奔於外是道也我久云

子賢言於帝乙欲立子不肯我乃病傷子不得立為

王則宜終為殷後若王子不出則我殷家宗廟乃隕

墜無主既勤之出即與之別云各自謀行其志人人

各自獻達於先王我不顧念行遜之事明期與紂俱

死傳此于至王子正義曰諗二人而一人答明

心同省文也鄭云少師不答志在必死然則箕子本

意音必求生乎身若求生何以不去既不顧行遜明

期於必死但紂自不殺之耳若比于意異箕子則別

有答安得默而不言孔解心同是也微子帝乙元子

微子之命有其文也父師呼微子為王子則父師非

至如何正義曰荒殷邦者乃是紂也而云天毒降

至如何正義曰荒殷邦者乃是紂也而云天毒降

災故言天生紂為亂本之於天天毒下災也以微子
云若之何此答彼意故言四方化紂沈湎不可如何
○言言起至紂故○正義曰文在方與沈湎之下則
此無所畏畏者謂當時四方之民也民所當畏惟畏
天與人耳故知二畏者上不畏天下不畏賢人違戾
考長與舊有位人即是不畏賢人故不用其教紂無
所畏此民無所畏謂法紂故也○自來至政亂○
正義曰攘竊同文則攘是竊類釋詁云攘因也是因
其自來而取之名攘也說文云犧宗廟牲也曲禮云
天子以犧牛天子祭牲必用純色故知色純曰犧也
周禮牧人掌牧六牲以供祭祀之牲牲以牲為言必
是體全具也故體完曰牲經傳多言三牲知牲是牛
羊豕也以犧牲三者既為組實則用者簠簋之實
謂黍稷稻粱故云器實曰用謂案盛也禮天曰神地
曰祇舉天地則人鬼在其間矣故總云盜天地宗廟
牲用也訓將為行相容行食之謂所司相通容使盜
者得行盜而食之大祭祀之物物之重者盜而無罪
言政亂甚也漢魏以來著律皆云敢盜郊祀宗廟之

物無多少皆死為特重故也○傳下視至解息○正
義曰箕子身為三公下觀世俗故云下視殷民所用
治者謂卿士已下是治民之官也以紂暴虐務稱上
旨皆重賦傷民既傷矣則以上為讎秦誓所謂虐
我則讎是也重斂民財乃是聚斂怨讎之道既為重
斂而又亟行暴虐亟急也急行暴虐欲以威民乃是
自召敵讎勤行虐政是不懈怠也○傳商其至於道
○正義曰有災與淪喪一事而重出文者上言商今
其有災我興受其敗逆言災雖未至至則已必受禍
此言商其淪喪我罔為臣僕豫言殷滅之後言已不
事異姓辭有二意故重出其文我無所為臣僕言不
能與人為臣僕必欲以死諫紂但箕子之諫值紂怒
不甚故得不死耳我教王子出合於道保全身命終
為殷後使宗廟有主享祀不絕是合其道也○傳刻
病至無上○正義曰刻者傷害之義故為病也呂氏
春秋仲冬紀云紂之母生微子啓與仲衍其時猶尚
為妾改而為妻後生紂紂之父欲立微子啓為太子
太史據法而爭曰有妻之子不可立妾之子故立紂
尚書流
卷之十一
二十五
及古圖

為後於時箕子蓋謂請立啓而帝乙不聽今追恨其
 事我久知子賢言於帝乙欲立子為太子而帝乙不
 肯我病子不得立則宜為殷後○**傳**言將至一途○
 正義曰不肯遜以求生言將與紂俱死也或去或留
 所執各異皆歸於仁孔子稱殷有三仁焉是皆歸於
 仁也易繫辭曰君子之道或出或處或默或語是非
 一途也何晏云仁者愛人三人行異
 而同稱仁者以其俱存憂亂寧民

尚書註疏卷第十

